

vorgenante her Conrad Knüt vorantworten und uztragin uf myne zcerunge und koste ane arg und geverde. Daz ich vorgenanten Conradus Knut alle dise vorgeschribin rede und stücke stete und ganz haldin sal und wil in gutin truwen ane arg, des habe ich zeu eynem bekentnisse und merer sichirheit myn ingesigil mit der erenwerdigin herrin hern 5 Franzen aptis zeu der Cellen und hern Iohannis Belers officialis der probistie zeu Misen ingesiglen, di alle vorgeschribene sachin gemacht und geteidingit habin, mit wissin an disin keginwertigin brif lassin hengin, der gegeben ist noch gotis gebürt driczen hundirt iâr dornach in dem fuff und achezigisten iare an deme nestin suntage vor sente Donati tage des heiligin bischoffes und mertirers.

10

372.

Aebtissin, Priorin und Convent des Klosters Nimbschen einigen sich mit Johannes Vater zu Torgau über die Grenzen ihrer Besitzungen bei Knese und dem (Loßwiger) See unweit Torgau, sowie über die Fischerei bei dem Austraten der Elbe und die Theilung des Holzes der an den Grenzmarken stehenden Weiden.

1386 Nov. 11.

15 *Hilschr.: Or. Perg. Hauptstaatsarchiv Dresden No. 4559. Die SS. der Aebtissin und des Conventes (Taf. II, 2. I, 9) an Pergamentstreifen.
Gedr.: Hasche Magazin 7,452 ff.*

Wyr Margareta eptissin, Mechtihilt priorin unde semenunge gemeyne des clostris zeu Nempzcin bekennyn —, das wir geteydinget habin umme dy° bruche, dy° da sint ge- 20 west zewyssin unserme gotzhusse unde zewyssen hern Iohansin Vatern ritter gesessin zeu Turgawe von der gute wegen, dy da sint gelegin under Knese keyn Turgawe wart unde stossen an unsers gotzhus see über der vorgenanten stat, unde habin uns darunne fruntlichin unde gutlichin gesunet unde geeeynt nach rate unde scheydunge unser teyding- lute, dÿ wir darzeu gekorn unde gebetin hattin, offe beyde syten mit guten willen unde 25 mit wolbedachtin mute unde gabin ÿn ganzee muge unde macht, wÿ sÿ uns schyden, daz wir des woldin volgen unde wolden daz stete und ganz haldin ane allerleyge argelist. Dy° teydingeslute sint gewest dÿ wysen burger Iorge Monich von unsern wegen unde Heynrich Richinbach, unde von hern Iohannes wegen Vatern Mescz unde Iohannes Poddike zeu Turgawe gesessin, dy dy scheydunge geriten unde gegangin habin zewyssen 30 Knese, deme see unde den eckern, da man ÿn zeu hant nachfür mit eyne phluge, daz nû besacz[t] ist mit widen, zeu eynre bewisunge der scheidunge uf unde abe bis uff den grabin, der gegrabin ist under deme see ouch in der scheidunge unde zeu eynre markke. Ouch ist geret unde geteidinget, wenne daz geschet, daz dÿ Elbe uzset unde durch den see get unde der see also gros wirt, daz her uff daz lant get ader offe dÿ ecker, ader 35 offe dÿ wysen daz wasser fluset obene ader undene, so schullen unde mogen unsers gotzhus visserre zcÿn unde wissen mit allem rechte, also sy° vor alder gevisset habin, wy verre daz wasser get unde went^{a)}, by deme wazzer uf unde abe czu zeyne unde zeu

372. a) Nach went ist unde schal yn eyns stiges gunno zeu geno durch Ausstreichen getilgt.